



BIBLIOTHECA  
UNIV. JAGELL.  
CRACOVENSIS


585069  
585074

I

II

Ms. St. Dc.

kat.komp




585069 -

585074

I

W tej książce jest,  
więcej prac.



# DISSERTATIO

INAUGURALIS JURIDICA

SUPER QUÆSTIONE

AN OFFICIA INNOXIÆ UTI-

LITATIS SINT PERFECTA?

QUAM, EXANTLATIS EX OMNIGE-

NA JURISPRUDENTIA TRIBUS RIGO-

ROSIS EXAMINIBUS.

UNA CUM

THESISIBUS EX UNIVERSO JURE PRO

OBTINENDA DOCTORIS JURIS LAUREA

I N

ALMA UNIVERSITATE

JOSEPHINA

PUBLICÆ ERUDITORUM DISQUISITIONI

SUBIJCIT

ANDREAS DE ROBKOWA STROWSKI

GALICIENSIS.

DIE 24 NOVEMBRIS H. 10.

ANNO MDCC XC

---

LEOPOLI  
TYPIS PILLERIANIS

16

22

585069

I



1362K 444

---

ILLUSTRISSIMI EXCEL-  
LENTISSIMIQUE DOMINI DOMI-  
NI COMITES PRÆSIDES DIGNIS-  
SIMI !

**D**ignum est, VIRI EXCELLEN-  
TISSIMI, ut cum insignia VOS erga  
Rempublicam, in suo cuique tribuen-  
do, ornent merita, & dignitates am-  
plissimæ, summo VOS quisque, ut me-  
remini, prosequatur cultu, ac singula-  
ri amore. Quamobrem ego etiam  
VOBIS EXCELLENTISSIMI CO-  
MITES tenuem hunc, quem pro ob-  
tinenda Doctoris Juris laurea conscri-  
psi, libellum, in exiguum quidem, sed  
maximæ meæ erga VOS observantiæ  
do-

documentum offero; VOSque enixè  
rogo; ut benevolò semper animo pro-  
tegere dignemini VESTRUM.

EXCELLENTISSIMI COMITES

Obsequentissimum Clientem  
*Andr. de Robkova Sirowski.*



§. 1.

Inter ultimos creationis fines est etiam felicitas generis humani.

**V**oluit Deus creare hominem, voluit illi dare facultates & vires, quarum usu sibi & aliis prodesse, se & alios perficere posset. Placuit etiam infinitæ Ejus voluntati, naturales quosdam indere homini stimulos, ad assequendam tam propriam, quam aliorum hominum felicitatem. Voluit media, debuit ergo velle & finem, id est, felicitatem totius generis humani, quæ propterea inter ultimos creationis fines merito referenda est.

§. 2.

ad quam obtinendam homines per solam naturam obligantur.

Per naturæ leges imposita est mortalibus omnibus necessitas, finibus rerum creatarum, quatenus

tenus illi ex ipsa hominis rerumque natura, solo rationis lumine conspici, & actionibus nostris liberis applicari possunt, conformiter vivendi: unde fuit summum illud naturæ præceptum; vi cujus hominum quisque, ad felicitatem sui generis obtinendam, eamque unitis viribus promovendam, in quantum potest, obligatur.

§. 3.

**Datur ergo societas hominum universalis ab ipsa natura.**

Et ita in ipsa jam natura facile is hominum status concipitur, in quo omnes illi ad communem finem, seu felicitatem totius sui generis unitis viribus obtinendam tendere obligantur. Datur ergo a natura societas hominum universalis, quæ etiam pro fine habet, communem generis humani felicitatem.

§. 4.

**Cujus societatis jura & obligationes ex felicitate generis humani deducuntur.**

Quoniam ex fine societatis cujuslibet jura & obligationes sociales, tanquam media ad illum obtinendum deducuntur; ratio in promptu est, quare omnia hominum relatè ad se invicem jura, iisque correlata officia ex felicitate generis humani cognosci debeant & ex eo fine suam capiant mensuram.

§. 5.

## Competit hominini jus utendi viribus suis naturalibus.

Jus ad finem, dat jus ad media, sine quibus finem obtinere est impossibile. Ex obligatione igitur & jure ad obtinendam, promovendamque generis humani felicitatem immediate deducitur, competere per ipsam naturam homini cuique jus utendi viribus suæ humanitatis naturalibus, id est, viribus animæ & corporis cum ad perficiendum se ipsum, tum ad perficiendos etiam alios, quorum perfectio felicitatem generis humani constituit

## cum exclusionem aliorum.

Exigit autem felicitas generis humani, ut cum suæ cuique generatim \*) peroptimè notæ sint animæ & corporis vires, quarum usu sibi & aliis quamplurimum posset, prodesse, liberum sit cuilibet in determinandis viribus suis. sequi pro arbitrio perfectionem quam maximam. Ad capiendum bonum majus, si forte liceret alteri vires meas determinare, ideo quia ipse magis idonea ad finem obtinendum media se electurum credit; cum natura nequaquam determinet, quis sit sapientior præ aliis, imo quisque dicat se esse sapientiores, præsto essent bellorum, barbarumque causæ perpetuæ. Imo cum nemo non experiatur, suam perfectionem propriam magis sibi, quam aliis. commendatam esse ab ipsis naturæ impulsibus; fortior igitur mihi incumbit obligatio, & competit jus, quam aliis, vires naturales in meam felicitatem, quæ in eam generis humani influit, determinandi. Ex  
qui-

quibus colligitur, jus illud homini per naturam competens viribus suis naturalibus utendi eò etiam se extendere; ut quisque ab hoc usu virium suarum ceteros omnes excludere possit.

- \*) Dixi generatim; exigit enim in certis casibus felicitas generis humani, ut vires hominis e. g. furiosi, aut infantis determinentur ab aliis.

§. 7.

**Datur ergo suum hominis conatum.**

Sequitur inde I. dari ab ipsa natura aliquid, quò utendi jus habet homò cum exclusione aliorum, quod suum hominis conatum, in sensu iuridico \*) appellamus.

- \*) Suum iuridicum distinguitur a suo hominis grammaticè considerato, quod est id, quod partem ejus physicam constituit.

§. 8.

**nec non libertas naturalis.**

Nec non II jus hominis de viribus naturalibus suæ humanitatis pro arbitrio, & cum aliorum exclusionem disponendi, seu jus illud conatum hominis in se ipsum, quod libertatem naturalem vocant.

§. 9.

**quæ pertinet non solum ad usum virium positivum sed & negativum.**

Ratio ob quam jus homini de viribus suis naturalibus disponendi competere diximus, eò etiam

etiam se extendit, ut dici possit, homines vi juris illius gaudere facultate, non solum actionem certam ponendi, sed & omittendi. Utique libertas naturalis includit omnem arbitriam virium hominis naturalium dispositionem, nec minus illam, per quam nos determinamus ad non agendum. Pertinet ergo jus hominis conatum in se ipsum non solum ad usum virium suarum positivum, sed etiam negativum.

§. 10.

### Limites hujus juris

Sed quia alii etiam jure illo conato æque sunt præditi, jura vero contradietoria dari non possunt, facile deducitur, limites hujus juris conati esse; ne quisquam alterius vires determinare audeat sive positive, sive negative, id est, ne determinet etiam cessationem actionis, ejus positione in alterius vires non involatur.

§. 11.

### quod cum jure cogendi connexum est.

Quotidiana quemque docet experientia, multos omni tempore adesse depravati animi homines, quibus nulla lex est, & quos sola tantum regit libido. Illi ne limites, quos inviolabilis naturæ lex libertati naturali præfixit transgrediantur, neve in vires alterius involent impunè, violentis etiam coerceri possunt mediis. Et sane per mala, quæ inde in genus humanum redundant, longè majora præpediuntur illa, quæ omni momento ab improbis, si nullum illos coerceat frænum, imminet. Ex ipsa itaque illa generis humani felicitate, ex qua jus hominis in semetipsum deduximus, colligimus etiam jus illud cum jure cogendi copulatum esse debere.

§. 12.

## §. 12

**Datur quidem etiam jus exigendi usum virium alterius**

Manca est vis humanitatis nostræ, ut adeo impossibile, vel saltim difficile sit nobis quandoque propositum assequi finem: tunc autem aliorum auxilium opus est implorare, viresque conjungere. Cum vero bonum commune totius humani generis cuique homini promovere incumbat; cumque alii æquæ nostro auxilio indigeant persæpe, meremur certo opem aliorum. Dubium ergo non est, ob illam communem generis humani felicitatem, jus esse nobis interdum exigendi usum virium alterius cum positivum, tum negativum libertati alterius naturali subiectum

## §. 13.

**Id tamen cum jure cogendi copulatum non est.**

Attamen si etiam vi extorquere liceret illum usum virium alterius, semper cogeremur alios iuvare, negligere nosmetipsos. Nefas esset ab usu virium nostrarum excludere alios, nec in determinando illo usu sequi pro arbitrio perfectionem maiorem, ipsa hæc coactio extenderet se ad impossibilia usquæ, sic porro tota libertas naturalis rueret. Id igitur etiam manifestum est; jus ejusmodi exigendi usum virium alterius nullatenus per naturam cum jure cogendi esse connexum.

## §. 14.

## §. 14.

**Quare dantur jura & officia tam perfecta quam imperfecta.**

Dantur proinde per naturam jura, & iis correlata officia, alia perfecta, quæ cum jure cogendi connexa sunt, alia imperfecta, quæ cum jure illo nequaquam sunt copulata.

## §. 15.

**Officia perfecta absoluta consistunt.**

Competit homini per naturam jus cogendi, ne audeat quisquam violare jus ipsius conatum in semetipsum; inde intelligitur officia omnia perfecta, si ut absoluta spectentur, eo tendere, ne quis in suum alterius conatum inolet, id est, ne vires alterius naturales determinet sive positive, sive negative, scilicet ne determinet, cessationem actionis, cujus positione in alterius vires non involatur.

## §. 16.

**in non determinandis viribus alterius naturalibus.**

Quare immediate concluditur inde officia perfecta absoluta omnia in illa contineri propositione. *Vires alterius naturales nec positive determina, nec etiam negative id est, non determina cessationem actionis, cujus positione in alterius vires non involatur \**)

\* ) Officia vero imperfecta in illo insunt enuntiatio. *Vires tuas in alterius utilitatem tam positive, quam negative determina.*

## §. 17.

## §. 17.

**Officiis perfectis absolutis fatisfit nuda  
cessatione ab agendo.**

Qui in statu naturæ absoluto nihil agit, adeoque vires alterius nullatenus determinat, non involat in suum alterius conatum. Quare nemo ausit negare, officiis naturalibus absolutis perfectis nuda ab agendo cessatione plenè satisfieri.

## §. 18.

**Ex jure hominis in se ipsum fluit etiam  
jus ocupandi.**

Vi juris conati hominis in se ipsum gaudet quilibet jure determinandi vires suas naturales pro arbitrio, dum modo usu virium suarum in alterius vires non involat. Porro is vires alterius nullatenus determinat, qui res in communione primæva existentes in futuros usus apprehendit cum animo sibi habendi ut proprias, seu occupat. Jus igitur eiusmodi res nullius occupandi per solam naturam homini cuique competit.

## §. 19.

**Effectus occupationis erat dominium.**

Frustraneum evaderet jus illud occupandi, si cuique liceret possessorem in usu rei occupatæ turbare, neque ius esset possessori, ab usu illo alius excludendi. Igitur ex facto occupationis ortum est jus possessoris de ipsis rei substantia & consecrariis pro arbitrio & cum exclusione aliorum disponendi, quod jus, dominium, dicitur. Ejusmodi

di juri correspondet obligatio aliorum negativa se a re occupata abstinendi.

§. 20.

per quod alii ab usu rei possessori innoxio exclusi non sunt.

Scopus occupationis fuit, ne nobis res in futuros usus deficerent, dominia igitur rerum eatenus tantum introducta sunt, quatenus id ad obtinendum illum occupationis scopum erat necessarium, quo cessante communio rerum negativa non est sublata. Res nimirum omnes eatenus tantum sunt occupatæ, quatenus usui occupantis inserviunt, secus vero nequaquam. Nec igitur alii ab usu rei occupatæ intantum excludi poterant, in quantum ex usu illo nullum in occupantem detrimentum redundat. Inde vero directè concluditur, facta rei occupatione alios homines nonnisi ab usu possessori innoxio exclusos fuisse, quo ad innoxium vero jus illud commune permanisse.

§. 21.

Ex his principiis sequitur.

Ex his ita stabilitis principiis determinatur quæstio: *An jure naturæ officia illa quæ aliis sine minimo nostro detrimento præstare possumus, seu per quæ alter commodum suum sine damno nostro quarit, & quæ innoxia utilitatis officia vocari solent, vi extorqueri possint, vel minus? seu, quod idem est, an inter perfecta, vel imperfecta officia referenda sint?*

§. 22.

## §. 22.

**Officia innoxiae utilitatis absoluta, tam affirmativa.**

Satis jam supra deductum est, obligationibus perfectis absolutis nuda cessatione ab agendo satisfieri, id vero per se certum est, cum nihil quidquam agere, qui actionem alteri utilem omittit. Competit etiam vi libertatis naturalis cuique homini jus viribus suis naturalibus pro arbitrio utendi, tum alios ab hoc usu penitus excludendi. Nemini autem a natura permissum est actionem alterius quoquomodo determinare, eo minus alterum ad illam præstandam cogere vi. Inde colligitur absque labore, officia innoxiae utilitatis affirmativa, quæ in agendo consistunt, nullatenus inter perfecta officia referri posse.

## §. 23.

**quam negativa, non perfecta, sed imperfecta esse.**

Libertas naturalis includit liberum virium naturalium usum positivum æque, ut negativum: adeo ut nemini vires alterius vel eatenus determinare liceat, ut determinet cessationem actionis, cujus positione in alterius vires non involatur; ad illam igitur cessationem actionis neminem per naturam cogi posse, satis liquet. Quare officia innoxiae utilitatis negativa absoluta, per quæ sine detrimento nostro in alterius commodum actionem certam omittere est necesse, veluti abstinere ab occupatione fructuum superfluum, itidem non inter perfecta, sed imperfecta officia referenda esse.

## §. 24

## §. 24

**illa vero negativa hypothetica, quæ in usu rei aliis permittendo consistunt, esse perfecta.**

Secus fit in statu naturæ hypothetico cum officiis negativis illis, per quæ omitenda venit actio quædam finem in eum, ut alter in usu rei a me occupatæ mihi penitus innoxio commodum suum quærat. Enimvero facta rei occupatione cæteri homines jure dominii ab usu tantum occupanti noxio sunt exclusi, permansere vero jura communionis negativæ quo ad usum innoxium, quem adeo a possessore cuique vi juris conati in se ipsum, tum inde manantis juris rem nullius occupandi exigere, tum denegantem, qua violatorem juris illius conati ad præstandum eundem vi etiam compellere licitum est.

## §. 25

**attamen prius petenda esse.**

Id tamen accidit sæpenumero, ut quæ naturaliter innoxia sunt, alteri ob certas ipsi solitas circumstantias imperfectionem adferant; quare non prius vis adhibenda est, quam ubi nudæ patientiæ officium rogatus vel nullam, vel manifesto injustam allegat denegandi rationem.

## §. 26.

**Argumentum Dariesii quo ad officia innoxiae utilitatis negativa non concludit.**

Quo ad officia innoxiae utilitatis negativa visum est Dariesio, ea cum jure cogendi copulata  
B
esse

esse debere, idque deduxit ille ex principio suo. *Quidquid sine virium alterius adcommodatione, & sine damno alterius facere possumus, nec officiis erga nos repugnat, ad id faciendum, nobis per ipsam naturam competit jus.* Sed patet ex dictis supra, nemini per naturam jus esse vires alterius determinandi sive positive, sive negative, id est, non licet etiam determinare cessationem actionis, cujus positione in alterius vires non involatur. Quare principium hoc Dariesii eatenus mancum est. quatenus ille ea tantum, quæ cum virium alterius adcommodatione fiunt, ab aliis extorqueri non posse supponit, sicque officia innoxie utilitatis negativa, per quæ alterius vires non quidem positive, sed tamen negative determinantur, perfectis officiis adnumeranda esse existimat.

#### §. 27.

### Solvuntur obiectiones eorum

Pufendorfius, Hertius & alii, negant indistinctim officia innoxie utilitatis cujuscunque sint illa generis, cum jure cogendi esse connexa. Aiunt nempe I. ejusmodi jus cogendi repugnare socialitati, plerosque enim omnes beneficia accipere velle, dare non velle. Deinde II magis gloriosum esse, officia innoxie utilitatis hominum pudori relinquere. III. Jus illud cogendi adversari juri naturali dominii, quod importat jus privativum & arbitrarium de re sua disponendi. IV libertati & æqualitati naturali. Tum denique V. felicitati totius generis humani, quia coactio ad hæc officia ob incertam eorum rationem ac mensuram, turbis humanæ societatis frequentem causam præbet.

#### §. 28.

## §. 28.

qui ad officia innoxiae utilitatis exigenda,

Ait I. volunt plerique pacta servari, servare nōlunt, ideo tamen salvo socialitatis fine ad servanda pacta alios cogendi jus homini competere nemo ausit negare. Nec etiam propterea quod, II. gloriosius sit servationem pactorum pudori hominum relinquere.

## §. 29.

indistinctim negant dari jus cogendi.

III. Ex scopo & notionibus domininii deductum est, illud quo ad usum rei occupatae possessori innoxium cessare, adeoque cessare etiam jus privativum & arbitrium disponendi de re, quae eatenus sua non est. IV Libertas naturalis includit solummodo jus hominis de viribus suis naturalibus disponendi, cujus juris obiectum res externae nullatenus sunt. Jam vero aequalitas naturalis in identitate jurium naturalium consistit, quae omnia salva cuique manent, posito etiam ejusmodi jure in usum rei occupatae innoxium. Nec ratio est V. cur jus ejusmodi turbis humanae societatis occasionem praebet frequentem; praesertim, cum id, quod hisce modis debetur semper sit determinatum; quia non licet injuriam sibi factam antea judicare, quam ubi officium patientiae rogatus nullam, vel manifesto injustam denegandi causam adduxerit.

## §. 30.

Refutatur argumentum Grotii, qui indistinctim putat.

Contra officia innoxiae utilitatis indistinctim perfecta esse, putat magnus Grotius. Ait enim

ille sublatam esse communionem primævam, introductamque rerum proprietatem per pactum quoddam aut expressum, ut per divisionem, aut tacitum, ut per occupationem; quo ad officia innoxie utilitatis cessare rationem illius pacti, adeoque horum ratione nobis ex primæva communione jus aliquod in res alienas superesse.

§. 31.

ad exigenda ejusmodi officia jus cogendi dari.

Sed præterquam, quod Grotius de iis tantum officiis loquatur, per quæ aliis usum rei nostræ nobis innoxium permittere est necesse; recte respondet Darieus, totam illam sententiam mera fictione inniti, ex ficto hoc pacto aut expresso, aut tacito, per quod proprietates rerum introductæ sunt, neutiquam determinari posse id, quod jure fieri potest. Quamobrem ratio hæc argumentandi ad corroborandam Grotii thesim nihil omnino confert, & sententiæ hic stabilitæ non obstat.

## POSITIONES EX UNIVERSO JURE

I. Existunt leges naturales, quæ immutabiles sunt, necessariae, æternæ.

II. Fines rerum a Deo creatarum, quatenus ex rerum natura, sola ratione perspicui & actionibus nostris liberis applicari possunt, idoneum sunt legum naturalium cognitionis ex quo principium.

III.

III. Gaudet quilibet homo jure securitatis, & defensionis, gaudet & jure violento, sed nonnisi ob læsionem.

IV. Officia innoxie utilitatis ea, quæ in usu rei externæ consistunt, sunt perfecta.

V. Autochiria jure naturæ est prohibita in collisione officiorum erga se.

VI. Origo usucapionis legi naturali adscribi non potest.

VII. Modus acquirendi dominium originarius simpliciter talis est sola occupatio, neque ad domini originem aliorum requirebatur consensus.

VIII. Causa Majestatis immediata est voluntas populi pacto declarata.

IX. Obligantur subditi sine consensu Imperantis non emigrare, multo magis autem eandem emigrationem Imperans per leges restringere potest.

X. Dubium non est sub juribus Majestaticis jus vitæ & necis comprehendere.

XI. Absurda est Machiavelistarum sententia, subditos a Principe lædi non posse.

XII. Jus gentium positivum universale non datur, sed tamen particulare.

XIII. Fœdera non modo nudæ amicitie, sed etiam arctioris conjunctionis cum gentibus a veri Dei cultu alienis pangere licet.

XIV. Legatus ab imperio & jurisdictione ejus apud quem degit, penitus immunis est.

XV. Sola læsio aliter indeclinabilis est belli causa iustifica, unde bellum offensivum sine clarificatione, aut denuntiatione in regula injustum est.

XVI. Ad servandam Civitatem potest etiam Civis innocens hosti extradi, aut pars Reipublicæ invita deferri, imo alienari.

XVII. Possessio inter cætera Jura realia annumerari non potest.

XVIII.

**XVIII.** Bonæ fidei possessor singularis fructus perceptos consumptos non restituit, etsi ex iis factus est locupletior.

**XIX.** Etiam Emptori remedium L. 2. cod. de resc. vend. competit, si enormiter læsus est, quando nempe verum mercis pretium bis & adhuc aliquid pro re empta dedit.

**XX.** Substitutioni expressæ pupillari inest tacita vulgaris, & contra.

**XXI.** In solutione, quatenus hæc ut modus tollendæ obligationis spectatur, requiritur domini translatio.

**XXII.** Etiam usufructuario consentiente dominus servitutem constituere non potest.

**XXIII.** Jus asyla concedendi vel abrogandi est jus majestaticum, ideo a nemine invito Imperante usurpari potest.

**XXIV.** Episcopi potestatem suam non a Romano Pontifice, sed proxime a Deo nanciscuntur.

**XXV.** Ad neutram jurium sive essentialium, sive accidentalium Primatus classem potestas illa Pontificis pertinet, quam vulgo indirectam in temporalia Regum vocant, & qua ille etiam de temporalibus Regum præcipere, ac eos Regnis multare possit, si Ecclesiæ salutique animarum noceant. Hæc enim potestas a mente Ecclesiæ aliena est.

**XXVI.** Potestati civili jus in sacra, quod in determinatione sacrorum situm est, haud quaquam competit, competit tamen jus aliquod circa sacra, quod jus ex ipso imperio civili profluit.

**XXVII.** Ex jure Regio supremæ inspectionis competit Principi jus placeti regij, ut vocant, circa bullas Ecclesiasticas.

**XXVIII.** Ecclesia jure statuendi impedimenta Matrimonii, ut Sacramenti, Princeps autem jure statuendi impedimenta Matrimonii, ut Contractus civilis, gaudet.

**XXIX**

XXIX. Durch reine Geldeinkünfte werden die Pfarrer am schädlichsten versorget.

XXX. Nicht der große Reichthum der Bürger insgesamt, sondern der übermäßig große Reichthum irgend eines Standes, einer Familie, eines Bürgers, kann dem Staate, in der Person des Regenten, schädlich werden.

XXXI. Unter allen Arten der Vorrathshäuser entsprechen viele, kleine und öffentlich eingeschriebene Privatmagazine dem Endzwecke der Magazinirung am besten.

XXXII. Die Regulirung des mittleren Preises der landwirthschaftlichen Erzeugnisse kann nicht durch Taxen, sondern nur durch die wechselseitigen Verabredungen der Käufer und Verkäufer auf dem Marktplatze geschehen.

XXXIII. Der Vorzug, welchen Manufakturen auf den in, und ausländischen Handelsplätzen vor andere Mitwerber zu erhalten trachten müssen, hängt von den zum Ankaufe einladenden Eigenschaften, oder der sogenannten Vollkommenheit ihrer Waaren ab. Diese Vollkommenheit besteht in dem wohlfeilern Preise, bei gleicher inneren Güte, äußeren Schönheit, und Mannigfaltigkeit der Waaren. Der Staat muß sich also angelegen seyn lassen, die Monopolien zu unterdrücken, und den Zusammenfluß der Manufakturanten bestmöglich zu befördern.

XXXIV. Die Geldzinnse können im Allgemeinen ohne nachtheilige Folgen durch Gesetze nicht bestimmt werden.


XXXV.


XXXV. Unter die Beitragspflicht kann nur allein der reine Gewinn , nicht aber das ganze rohe Einkommen der Bürger gezogen werden.

XXXVI. Die Grundsteuer ist eine der besten Steuerarten, sie kann aber als die einzige Abgabe im Staate nicht angenommen werden.

XXXVII. Die Erschaffung der als Baarschaft umlaufenden Bankopapiere , ist die beste Art im Nothfalle von dem öffentlichen Kredite Gebrauch zu machen.







300

Biblioteka Jagiellońska



stdr0026005

